



Broj: 05/1-50-13-29-14-3/15
Sarajevo, 8. 12. 2015.

ZAPISNIK

14. sjednice Nezavisnog odbora Parlamentarne skupštine BiH

Sjednica je održana 8.12.2015., s početkom u 8 sati.

Sjednicu je sazvao Žiko Krunić, predsjednik Nezavisnog odbora.

PRISUTNI ČLANOVI NEZAVISNOG ODBORA: Žiko Krunić, predsjednik Nezavisnog odbora, Enes Obralija, prvi zamjenik predsjednika Nezavisnog odbora, Mato Jozić, drugi zamjenik predsjednika Nezavisnog odbora, Ilma Mehić - Jusufbašić, Adisa Begić, Nikola Džambas, Mate Miletić, Ljubomir Kuravica, Miroslav Škorić, članovi Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicu su pratili i Zoran Brkić iz Sektora za odnose s javnošću Sekretarijata Parlamentarne skupštine BiH, te Dijana Šatara i Senad Zlatar, predstavnici OHR-a.

Predsjednik Nezavisnog odbora Žiko Krunić konstatirao je da postoji kvorum za rad i otvorio 14. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

DNEVNI RED

1. Usvajanje Zapisnika 13. sjednice Nezavisnog odbora;
2. Razmatranje Izvještaja o finansijskoj reviziji Granične policije BiH, Državne agencije za istrage i zaštitu BiH i Direkcije za koordinaciju policijskih tijela BiH, materijal

Ureda za reviziju institucija BiH broj:01-05-50-983-1/15, od 10. 11.2015., a zaprimljen u Parlamentarnoj skupštini BiH 10.11.2015., broj:05/1-16-1-1444/15;

3. Tekuća pitanja.

Ad.1. Usvajanje Zapisnika 13. sjednice Nezavisnog odbora

Zapisnik 13. sjednice Nezavisnog odbora usvojen je jednoglasno, bez primjedbi.

Ad.2. Razmatranje Izvještaja o finansijskoj reviziji Granične policije BiH, Državne agencije za istrage i zaštitu BiH i Direkcije za koordinaciju policijskih tijela BiH, materijal Ureda za reviziju institucija BiH, broj:01-05-50-983-1/15, od 10. 11.2015., a zaprimljen u Parlamentarnoj skupštini BiH 10.11.2015., broj:05/1-16-1-1444/15

U sklopu ove tačke dnevnog reda članovi Nezavisnog odbora razmatrali su finansijske izvještaje Ureda za reviziju institucija BiH policijskih agencija iz svoje nadležnosti, a to su: Granična policija BiH, Direkcija za koordinaciju policijskih tijela BiH i Državna agencija za istrage i zaštitu BiH.

U uvodu u ovu tačku dnevnog reda predsjednik Nezavisnog odbora Žiko Krunić napomenuo je da je u konsultaciji s drugim članovima Nezavisnog odbora zatražio od Ureda za reviziju institucija BiH ove izvještaje kako bi se upoznali s njima i vidjeli da li eventualno ima nešto što bi bilo predmetom postupanja Nezavisnog odbora i njihove nadležnosti u radu ove tri policijske agencije, nakon čega je otvorio diskusiju. U diskusiji se za riječ javio prvi zamjenik predsjednika Nezavisnog odbora Enes Obralića koji je istakao da Nezavisnom odboru nije namjera ulaziti u oblasti rada drugih institucija BiH. Dalje je naglasio da je, čitajući izvještaje o finansijskom poslovanju ovih policijskih agencija, uočio da je Ured za reviziju institucija BiH za sve tri institucije istakao istu primjedbu koja se odnosi na nedostatak podzakonskog akta kojim se propisuje poseban dodatak na plaću, što je, kako se navodi u izvještajima, obaveza viših organa. U daljnjoj raspravi o ovim izvještajima učestvovala je većina članova Nezavisnog odbora. Izvještaje Ureda za reviziju institucija BiH primili su k znanju i usaglasili se kako će oni biti predmet razgovora s rukovodstvom policijskih agencija.

Ad.3. Tekuća pitanja

U sklopu ove tačke dnevnog reda članovi Nezavisnog odbora nadovezali su se na prethodnu tačku te dogovorili kako će od narednih sjednica održati sastanke s rukovodiocima policijskih tijela BiH.

Dalje, u okviru ove tačke dnevnog reda članovi Nezavisnog odbora otvorili su raspravu i o tome kako poboljšati sam rad Nezavisnog odbora pa se tako za riječ javio Mate Miletić koji je iz iskustva u radu u Odboru za žalbe građana predložio da se članovi Nezavisnog odbora uključe u TAIEX programe s ciljem razmjene iskustava između sličnih organa i policijskih agencija iz zemalja Evropske unije te su tako donijeli sljedeći

ZAKLJUČAK

U narednom periodu, u saradnji sa Zajedničkom službom Sekretarijata Parlamentarne skupštine BiH, potrebno je sačiniti aplikaciju putem TAIEX programa za studijsku posjetu te organiziranje radionica kako bi se unaprijedio rad Nezavisnog odbora nakon sagledavanja prakse i rada ovakvih i sličnih tijela u zemljama Evropske unije.

Na prijedlog prvog zamjenika predsjednika Nezavisnog odbora Enesa Obralije, članovi Nezavisnog odbora iskazali su potrebu da ubuduće prisustvuju sjednicama i seminarima koje organizira Zajednička komisija za odbranu i sigurnost BiH a na kojima se razmatraju pitanja koja se odnose na rad policijskih agencija. U tom smislu donijeli su sljedeći

ZAKLJUČAK

Potrebno je uputiti dopis predsjedavajućem Zajedničke komisije za odbranu i sigurnost BiH u kojem izražavaju potrebu da predstavnici Nezavisnog odbora (do tri člana) budu pozivani na sjednice i seminare kada se na njima razmatraju pitanja koja se odnose na rad i postupanje policijskih agencija BiH.

Dogovoreno je i da se naredna sjednica Nezavisnog odbora održi do kraja decembra 2015. na kojoj će se, između ostalog, razmatrati Plan rada Nezavisnog odbora za 2016. godinu.

Predsjednik Nezavisnog odbora Žiko Krunić zaključio je sjednicu u 9.30 sati.

SEKRETAR
NEZAVISNOG ODBORA

Ivana Lovrić

PREDSJEDNIK
NEZAVISNOG ODBORA

Žiko Krunić